

January 1950

古爵名無定稱說

Shuda YANG

Follow this and additional works at: http://commons.ln.edu.hk/ljcs_1929

 Part of the [Chinese Studies Commons](#)

Recommended Citation

楊樹達(1950)。古爵名無定稱說。《嶺南學報》，10(2)，35-41。檢自：http://commons.ln.edu.hk/ljcs_1929/vol10/iss2/4

This Article is brought to you for free and open access by the Scholarly Publications of Lingnan University (Guangzhou) at Digital Commons @ Lingnan University. It has been accepted for inclusion in 嶺南學報 Lingnan Journal (1929-1952) by an authorized editor of Digital Commons @ Lingnan University.

古爵名無定稱說

楊樹達

王君靜安著古諸侯稱王說，據彝器銘文矢器有矢伯之稱，他器又稱矢王。彘伯既稱彘伯，又云「朕皇考釐王」。乖伯既稱乖伯，又稱「朕皇考武乖幾王」。王君斷論謂：「古時天澤之分未嚴，諸侯在其國自有稱王之俗。即徐楚吳越之稱王者，亦沿周初舊習，不得盡以僭竊目之」。（觀堂別集卷壹拾陸葉下）王君爲此說，郭君沫若著金文所無考采之。郭君又謂：「古公侯伯子無定稱，」取彝銘中魯晉秦楚鄧五國君主之稱名，與春秋之文歧異者爲例，謂：「公侯伯子男皆古國君之通稱，五等爵祿之說，乃周末儒者因舊有之名稱，賦之以等級者。」（金文叢考肆拾葉）今按兩君之說是矣。余徧考彝器銘文，知國君之名稱不但與春秋歧異而已，即在彝銘本身，雖同一國君之稱，而彼此互殊者仍至夥。詳言之，有侯公兼稱者，有侯伯兼稱者，有侯子兼稱者，有侯公伯兼稱者，有公伯兼稱者，有公子兼稱者，有伯子兼稱者，凡爲例七，爲國十七，因備錄之，以補郭說之遺云。按先儒謂諸侯在其國內得稱公，春秋書法，於一國之君前後名稱不同者，說經家有因事進爵降爵之說。由今觀之，彼皆彌縫牽附之詞，非當時之真相也。

例甲 侯公兼稱者

一 魯侯或魯公

明公尊云：「唯王令明公遣三族伐東國，在△。魯侯有△工，用作旅彝。」（貞松堂槧之拾葉下）

魯侯鬲云：「魯侯作姬番鬲。」（貞松堂肆之伍）

魯侯壺云：「魯侯作尹叔姬壺。」（漢古錄式壹之拾伍）

魯侯彝云：「魯侯作姜享彝。」（貞松堂補上式式）

上四器皆稱魯侯。

帥佳鼎云：「自作後王母△商厥文母魯公孫用鼎。」（綴遺齋肆之拾叁）

按此銘頗難通解，惟下文有云：「自念于周公孫子，」則此魯公指魯君無疑。

二 齊侯或齊公

齊侯敦云：「齊侯作飢敦。」（憲齋捌之捌）

洹子孟姜壺云：「齊侯女鬻肆喪其殷，齊侯命大子乘遠敬宗伯，聽命于天子。」（憲齋拾肆之肆下）

齊侯盤云：「齊侯作皇妣孟姬寶般。」（綴遺齋柒之式陸下）

齊侯匜云：「齊侯作號孟姚良女寶匜。」（憲齋拾陸之式叁）

又齊侯盤云：「齊侯作朕△△孟姜盟般，」（奇觚室捌之拾肆下）

以上五器皆稱齊侯。

子叔姜鐘云：「綽作子叔姜寶和鐘，△其言△△△△君，能事齊公」云云。（西清續甲拾柒之式捌）

此稱齊公。

三 翼侯或翼公

矧且丁卣云：「矧錫孝，用作且丁△，翼侯癸。」（貞松堂捌之式捌）

父丁尊云：「作父丁寶旅彝，翼侯。」（貞松堂續中捌下）

己侯鐘云：「己侯虐作寶鐘。」（憲齋式之捌下）

己侯殷云：「己侯貉子分己姜寶，作殷。」（憲齋拾壹之式伍）

以上四器稱翼侯或己侯。

翼公壺云：「翼公作為子叔姜盟壺。」（薛氏歎識百拾陸。按薛誤釋壺作匜。）

此稱翼公。

四 雁侯或雁公

雁侯殷云：「雁侯作生棧姜尊殷。」（小校經閣捌之式拾叁下）

又雁侯殷云：「雁侯作姬原母尊殷。」（嘯堂陸拾）

以上二器皆稱雁侯。

雁公鼎云：「雁公作旅彝。」（綴遺齋肆之式壹）

又雁公鼎云：「雁公作寶尊彝。」（綴遺齋肆之式叁）

雁公卣云：「雁公作寶尊彝。」（憲齋拾玖之捌下）

以上三器皆稱雁公。

例乙 侯伯兼稱者

井侯或井伯

井侯尊云：「王令辟井侯出△侯于井。」（西清古鑑捌之叁叁）

麥盃云：「井侯光厥事麥，過于麥宮。」（貞松堂捌之肆式下）

麥鼎云：「井侯延耐于麥，麥錫赤金。」（籀庵述林柒之式玖）

上三器皆稱井侯

井伯甗云：「井伯作△甗。」（貞松堂補遺上拾柒）

十年趙曹鼎云：「井伯入右趙曹立中廷。」（貞松堂叁之叁拾）

利鼎云：「井伯內右，利立中廷。」（貞松堂叁之叁拾叁）

上三器皆稱井伯。

例丙 侯子兼稱者

一 陳侯或陳子

陳侯鼎云：「陳侯作△媯罔母贖鼎。」（憲齋伍之拾捌）

陳侯殷云：「陳侯作嘉姬寶殷。」（憲齋玖之陸）

陳侯簠云：「陳侯作王仲媯△贖簠。」（貞松堂續中壹下）

以上三器皆稱陳侯。

陳子子匜云：「陳子子作奔孟媯製女贖匜。」（憲齋拾陸之式肆上）

此器稱陳子。

二 蔡侯或蔡子

蔡侯匜云：「蔡侯作姬單贖匜。」（據古錄式壹之拾陸）

蔡侯鼎云：「蔡侯作旅鼎。」（據古錄式壹之伍捌下）

蔡侯戈云：「蔡侯△之行戈。」（貞松堂拾壹之式玖下）

以上三器皆稱蔡侯。

蔡子匝云：「蔡子旅自作會△。」（貞松堂拾之叁叁）

此器稱蔡子。

例丁 侯公伯兼稱者

楚侯或楚公或楚伯

禽彝云：「王伐楚侯，周公某禽△。」（禮古錄式叁之廿式）

此稱楚侯。

楚公鐘云：「楚公△自作寶大△鐘。」（憲齋式之壹下）

楚公逆鐘云：「楚公逆自作吳雷鑄。」（禮古錄叁壹之拾玖下）

以上二器皆稱楚公。

矢殷云：「惟王于伐楚伯，在炎。」（貞松堂陸之拾壹下）

此器稱楚伯。

例戊 公伯兼稱者

一 邾公或邾伯

邾公輕鐘云：「邾公輕澤厥吉金玄鏐膚呂，自作蘇鐘。」（綴遺齋式之廿式下）

邾公華鐘云：「邾公華澤厥吉金玄鏐赤鏞，用鑄厥蘇鐘。」（綴遺齋式之廿肆）

邾公△鐘云：「陸融之孫邾公△作厥禾鐘。」（憲齋壹之廿式）

上三器皆稱邾公。

邾伯鬲云：「邾白作賸鬲。」（憲齋拾柒之捌下）

邾伯御戎鼎云：「邾白御戎作賸姬寶鼎。」（禮古錄式式之廿肆）

上二器皆稱邾伯。

二 毛公或毛伯

毛公鼎云：「毛公盾對揚天子皇休，用作尊鼎。」（憲齋肆之式）

又毛公鼎云：「毛公旅鼎亦惟殷。」（憲齋拾式之拾下）

上二器皆稱毛公

毛伯彝云：王命毛伯更競城公服。」（西清拾叁之拾式下）

鄧殷云：「王格于宣射，毛伯入門，立中廷。」（薛氏款識壹叁肆）

上二器皆稱毛伯。

三 召公或召伯

大史友鬲云：「大史友作召公寶尊彝。」(據古錄式壹之肆式)

六年召伯虎殷云：「奉揚朕宗君其休，用作朕刺祖召公嘗殷。」(據古錄叁式之廿肆)

上二器皆稱召公。

憲鼎云：「揚侯休，用作召伯父辛寶尊彝。」(綴遺齋肆之玖)

五年召伯虎殷云：「召伯虎曰：余既△△我考我母令，余弗敢△。」(據古錄叁式之廿伍下)

上二器皆稱召伯。

例己 公子兼稱者

一 秦公或秦子

秦公鐘云：「秦公曰，丕顯朕皇祖受天命，竈有下國。」(薛氏款識伍陸下)

秦公殷云：「秦公曰：丕顯朕皇祖受天命，毘宅禹蹟。」(貞松堂陸之拾叁下)

二器皆稱秦公。

秦子戈云：「秦子作造，公族元用。」(據古錄式式之叁伍下)

上器稱秦子。

二 郡公或郡子

郡公鐘云：「郡公攸」云云。(貞松堂壹之伍)

郡公平侯鼎云：「郡公平侯自作尊孟。」(貞松堂叁之廿柒下)

二器皆稱郡公。

郡子戈云：「郡子舟鑿其用行用。」(八瓊室金石補正札記式之拾玖)

上器稱郡子。

例庚 伯子兼稱者

一 曾伯或曾子

曾伯鬻簠云：「曾伯鬻哲聖元武，元武孔蒞。」(憲齋拾伍之式)

曾伯陪壺云：「惟曾伯陪用吉金鑄，用自作醴壺。」(貞松堂架之叁式下)

上二器皆稱曾伯

曾子白匱云：「惟曾子白自作尊匱。」(貞松堂拾之叁肆)

曾子中宣鼎云：「曾子中宣用其吉金，自寶鼎。」(貞松堂叁之廿伍)

曾子簠云：「曾子自作餽簠。」(貞松堂陸之叁壹)

又曾子簠云：「曾子自作行器。」(貞松堂陸之廿伍下)

上四器皆稱曾子。

二 象伯或象子

象伯戎云：「王若曰象伯戎！象！自乃祖考有勳於周邦。」(憲齋拾壹之式)

上器稱象伯。

大保云：「王伐象子，聽。」(據古錄式壹之捌式下)

此器稱象子。

三 北伯或北子(北經傳作邶)

北伯云：「北白作寶尊彝。」(貞松堂捌之式叁下)

北伯鼎云：「北白作尊。」(貞松堂式之廿式)

北伯彝云：「北白作彝。」(據古錄壹式之伍叁下)

上三器均稱北伯。

北子宋盤云：「北子宋作文父乙寶尊彝。」(據古錄式叁之伍叁)

北子彝云：「北子作母癸寶尊彝。」(據古錄式壹之廿式下)

北子解云：「北子作旅彝。」(綴遺齋廿肆之拾玖下)

北子云：「北子作寶尊彝。」(小校經閣肆之伍伍)

上四器俱稱北子。

四 榮伯或榮子

榮伯鬲云：「榮伯鑄鬲。」(憲齋拾柒之拾陸)

右器稱榮伯。

榮子旅鼎云：「榮子旅作父戊寶尊彝。」(小校經閣式之陸伍下)

此器稱榮子。

附記 彝銘原「乍」字今書爲「作」，取易曉也。惟字原不作心旁，尊字原作阜旁尊，旅字原從車從旅，今因印刷之便，寫作「惟」「尊」「旅」，他多同此，讀者諒之。